

## **Ulinzi Maandiko - Protection**

**Yeremia 1:18 Maana, tazama, nimekufanya leo kuwa mji wenyе boma, na nguzo ya chuma, na kuta za shaba, juu ya nchi yote; juu ya wafalme wa Yuda, na juu ya wakuu wake, na juu ya makuhani wake, na juu ya watu wa nchi hii.**

**Ezekieli 3:18 Nimwambiapo mtu mbaya, Hakika utakufa; wewe usimpe maonyo, wala husemi na huyo mtu mbaya ili kumwonya, kusudi aache njia yake mbaya na kujiokoa roho yake; mtu yule mbaya atakufa katika uovu wake; lakini damu yake nitaitaka mkononi mwako.**

**Yeremia 6:27 Nimekuweka uwe mnara na ngome kati ya watu wangu; upate kuijua njia yao na kuijaribu.**

**Mambo ya Walawi 26:19 Nami nitakivunja kiburi cha uwezo wenu; nami nitazifanya mbingu zenu kuwa kama chuma, na nchi yenu kuwa kama shaba;**

**Kumbukumbu la Torati 23:5 Lakini Bwana, Mungu wako, hakukubali kumsikiza huyo Balaamu; Bwana, Mungu wako, aliyageuza yale maapizo kuwa ni baraka, kwa vile alivyokupenda Bwana, Mungu wako.**

**Warumi 12:21 Usikubali kushindwa na ubaya, bali ushinde ubaya kwa wema.**

**Zaburi 143:8,10 Unifanye kusikia fadhili zako asubuhi, Kwa maana nimekutumaini Wewe. Unijulishe njia nitakayoiendea, Kwa maana nakuinulia nafsi yangu. 10 Unifundishe kuyatenda mapenzi yako, Kwa maana ndiwe Mungu wangu; Roho yako mwema aniongoze kwenye nchi sawa,**

**Zaburi 94:12 Ee Bwana, heri mtu yule umwadibuye, Na kumfundisha kwa sheria yako;**

**Mithali 27:12 Mwenye busara huyaona mabaya na kujificha; Bali wajinga huendelea mbele wakaumia.**

**Wafilipi 2:16 mkishika imara ujumbe wa uhai. Na hapo ndipo nami nitakapokuwa na sababu ya kujivunia katika siku ile ya Kristo, kwani itaonekana dhahiri kwamba bidii yangu na kazi yangu havikupotea bure.**

**Isaya 49:4 Lakini nikasema, Nimejitaabisha bure, nimetumia nguvu zangu bure bila faida; lakini hakika hukumu yangu ina Bwana, na thawabu yangu ina Mungu wangu.**

**Zaburi 76:3 Huko ndiko alikoivunja mishale ya uta, Ngao, na upanga, na zana za vita.**

**Waembrania 13:21 Mungu wa amani awakamilishe katika kila tendo jema ili mtekeleze mapenzi yake; yeye na afanye ndani yetu kwa njia ya Kristo yale yanayompendeza mwenywewe. Utukufu uwe kwake, milele na milele! Amina.**

**1 Wakorintho 16:15 Ndugu, mnaifahamu jamaa ya Stefana; wao ni watu wa kwanza kabisa kuipokea imani ya Kikristo katika Akaya, na wamejitolea kuwatumikia watu wa Mungu. Ninawasihi ninyi ndugu zangu,**

**Wafilipi 1:27 Basi, jambo muhimu ni kwamba mwenendo wenu uambatane na matakwa ya injili ya Kristo, ili kama nikiweza kuja kwenu au nisipoweza, nipate walau kusikia kwamba mnasimama imara mkiwa na lengo moja, na kwamba mnapigana vita kwa pamoja na mnayo nia moja kwa ajili ya imani ya injili.**

**1 Wakorintho 15:58 Basi, ndugu zangu wapenzi, simameni imara na thabiti. Endeleeni daima kuwa na bidii katika kazi ya Bwana, mkijua kwamba kazi mnayofanya katika utumishi wa Bwana haitapotea bure.**

**Wakolosai 4:12 Epafra, mwananchi mwenzenu na mtumishi wa Kristo Yesu anawasalimuni. Daima anawaombeeni ninyi kwa bidii ili mpate kusimama imara, komae na kuwa thabiti kabisa katika mambo yote anayotaka Mungu.**

**2 Wafalme 19:34 Maana nitaulinda mji huu, niuokoe, kwa ajili yangu mwenyewe, na kwa ajili ya Daudi, mtumishi wangu.**

**Yeremia 15:20,21 Nami nitakufanya kuwa kama ukuta wa boma la shaba juu ya watu hawa; nao watapigana nawe; lakini hawatakushinda; maana mimi nipo pamoja nawe, ili nikuokoe, na kukuponya, asema Bwana. 21 Nami nitakuokoa na mkono wa watu wabaya, nami nitakukomboa katika mkono wao wenyewe kutisha.**

**Zaburi 55:18 Ameiokoa nafsi yangu iwe salama, asinikaribie mtu, Maana walioshindana nami walikuwa wengi.**

**Ezekieli 30:24 Nami nitaitia nguvu mikono ya mfalme wa Babeli, na kuutia upanga wangu katika mkono wake, bali mikono ya Farao nitaivunja, naye ataugua mbele yake, kwa mauguzi ya mtu aliyetiwa jeraha ya kumfisha.**

**Ufunua wa Yohana 3:18 Nakushauri ununue kwangu dhahabu iliyosafishwa kwa moto upate kuwa tajiri kweli. Tena afadhali ununue pia vazi jeupe, uvae na kufunika aibu ya uchi wako. Nunua pia mafuta ukapake machoni pako upate kuona.**

**1 Yohana 3:17 Basi, mtu akiwa na mali za hapa duniani, halafu akamwona ndugu yake ana shida, lakini akawa na moyo mgumu bila kumwonea huruma, anawezaje kusema kwamba anampenda Mungu?**

**Isaya 50:4 Bwana MUNGU amenipa ulimi wa hao wafundishwao, nipate kujua jinsi ya kumtegemeza kwa maneno yeye aliyechoka, huniamsha asubuhi baada ya asubuhi; huniamsha, sikio langu lipate kusikia kama watu wafundishwao.**

**Zaburi 18:39 Nawe hunifunga mshipi wa nguvu kwa vita, Hunitiishia chini yangu walioniondokea.**

**2 Samwel 22:40 Maana umenifunga mshipi wa nguvu kwa vita; Umenitiishia chini yangu walioniondokea.**

**Zaburi 89:43 Pia umeurudisha nyuma ukali wa upanga wake; Wala hukumsimamisha vitani.**

**Ezekieli 13:6 Wameona ubatili, na uganga wa uongo, hao wasemao, Bwana asema; Iakini Bwana hakuwatuma; nao wameatumainisha watu ya kuwa neno lile litatimizwa.**

**Mambo ya Walawi 26:37 Nao wataangukiana wenyewe kwa wenyewe, kama mbele ya upanga, hapo ambapo hapana afukuzaye; wala hamtakuwa na nguvu za kusimama mbele ya adui zenu.**

**1 Wakorintho 14:8 La mgambo likilia bila kufuata taratibu zake, nani atajiweka tayari kwa vita?**

**Ayubu 15:24 Mateso na dhiki humtia hofu; Humshinda kama vile mfalme aliye tayari kwa vita;**

**1 Mambo ya Nyakati 12:8 Na wa Wagadi wakajitenga kumfuata Daudi ngomeni huko nyikani, waume mashujaa, watu waliozoea vita, walioweza kutumia ngao na mkuki; ambao nyuso zao zilikuwa kama nyuso za simba, nao walikuwa wepesi kama kulungu juu ya milima;**

**1 Mambo ya Nyakati 12:33 Na wa Wadani, watu hodari wa kupanga vita, ishirini na nane elfu na mia sita.**

**1 Mambo ya Nyakati 12:38 Hao wote, watu wa vita, askari wastadi, wakaja Hebron wenye moyo mkamilifu, ili kumtawaza Daudi awe mfalme juu ya Israeli wote; tena wote waliosalia wa Israeli nao walikuwa na moyo mmoja kwamba wamtawaze Daudi.**

**Luka 10:19 Naam, nimewapeni uwezo wa kukanyaga nyoka na ng'e, na uwezo juu ya nguvu zote za yule adui; hakuna chochote kitakachowadhuru.**

**2 Wakorintho 7:10 Kuwa na huzuni jinsi atakavyo Mungu, husababisha badiliko la moyo, badiliko lenye kuleta wokovu; hivyo hakuna sababu ya kujuta. Lakini huzuni ya kidunia huleta kifo.**

**2 Timotheo 2:25 ambaye ni mpole anapowaonya wapinzani wake, kwani huenda Mungu akawajalia nafasi ya kutubu, wakapata kuujua ukweli.**

**2 Timotheo 2:26 Hapo fahamu zao zitarudia tena, wakaponyoka katika mtego wa Ibilisi aliyewanasa na kuwafanya wayatii matakwa yake.**

**Nehemia 4:15 Kisha ikawa, adui zetu waliposikia ya kuwa tumekwisha kupata habari, na ya kuwa Mungu amelibatilisha shauri lao, ndipo sisi sote tukarudi ukutani, kila mtu kwa kazi yake.**

**Zaburi 73:24 Utaniongoza kwa shauri lako, Na baadaye utanikaribisha kwa utukufu.**